

Premi “ANDREINA E LUIGI CICERI”

Concors par scrits e progjets par percors espositîfs
su aspiets de culture e dal teritori dal Friûl

XX edizion – 2021

1. La Societât Filologjiche Furlane, par iniziative e dotazion di Andreina Nicoloso Ciceri, e da fûr ogni doi agns l'avîs di concors par assegnâ un premi a contribûts sientifics che a rivuardin aspiets de culture e dal teritori dal Friûl. Il Premi al è intitulât ai studiôs de culture tradizionâl dal Friûl Luigi Ciceri e Andreina Nicoloso Ciceri.
2. Il Premi al è spartît in dôs sezions: **scrits** (saçs libars, tesis di lauree magjistrâl e di dottorât) e **progjets par percors espositîfs**.
I lavôrs che a concorin pe sezion **scrits** a àn di jessi ineditis e a àn di vê caratar sientific, no leterari, no memorialistic, o parei.
I lavôrs che a concorin pe sezion **progjets par percors espositîfs** a àn di jessi preferibilmentri ineditis e a puedin jessi presentâts di ents e istituzions privadis (par esempi museus, ecomuseus, associazions, pro loco) o di personis fisichis.
I lavôrs a àn di riferîsi a aspiets e percors di valorizazion de culture e dal teritori dal Friûl tant che: storie, gjeografie, architeture rurâl, paisaç, turisim, economie pal svilup dal teritori, tradizions popolârs e lenghistiche furlane. I lavôrs a podaran rivuardâ ancje la storie, lis ativitâts e i colaboradôrs de Societât Filologjiche Furlane, prudelade dai benemerits Andreina e Luigi Ciceri cun convinzion e passion.
3. La borse-premi pe XX edizion e je di **5.000 euro**; la Jurie e pues spartî la cifre tra lis dôs sezions dal Premi, o ben e pues decidi di no assegnâ il premi.
4. I lavôrs a àn di jessi presentâts dentri dai **20 di Avost dal 2021**. Pes domandis mandadis cu la pueste, e vâl la date dal bol postâl. I lavôrs a varan di rivâ cence indicazion dal non dal autôr ae sede de **Societât Filologjiche Furlane vie Manin, 18 – 33100 Udin** intal timp indicât, in cinc copiis marcadis di un titul e di un sproc, intal formât indicât tal art. 5; intune buste sierade zontade ai lavôrs e marcade dal stes sproc, il concorint al varà di indicâ i siei dâts e lis sôs direzions (direzion di cjase, numar di telefon, direzion di pueste eletroniche), doprant il model che si pues discjamâ dal sît de Societât Filologjiche www.filologicafriulana.it
5. Pai scrits – saçs e tesis – si domandin une copie su cjarte e cuatri copiis digjitâls (CD o DVD), in formât word o pdf. Pai percors di progjets espositîfs si domandin une copie su cjarte e cuatri copiis su supuart informatic: i progjets a varan di cjapâ dentri la propueste di ricercje e la schede illustrative cu la impostazion gjenerâl. I lavôrs no saran tornâts indaûr.
6. Il judizi de Jurie, mutivât e insindacabil, al sarà comunicât inte Sierade dal 2021. La Jurie e darà prin di dut un judizi di amission al Premi, po e fasarà une graduatorie mutivade tignint cont de cualitât de scriture, de originalitât dal lavôr rispjet al setôr di ricercje sielt, de conformitât te maniere di doprâ lis fonts, dal supuart bibliografic, de atenzion comparative, de cualitât e de originalitât dal supuart iconografic, se al è.
7. Une copie di ogni lavôr ametût a concors e restarà inte Biblioteche de Societât Filologjiche Furlane: pene la escluson dal concors, ogni lavôr al varà di jessi compagnât de liberatorie che si discjame dal sît internet de Societât. Garantint che i dirits a restaran dai singui autôrs, sintude la Jurie e in acuardi cul autôr, la Societât si riserve di publicâ/segnalâ il/i lavôrs premiâts, nomenant il premi otignût.

